

cailleach - oidhche

Tha a' chailleach-oidhche math air sealg air an oidhche. Tha sùilean mòra innte agus chì i nas fheàrr anns an dorchadas. Cha mhòr nach cuir a ceann car slàn agus le sin mothaidhidh i do rud sam bith a tha gluasad. Tha i ag ithe mamalan agus eòin bheaga, losgann agus meanbh-fhrìdean mòra. Tha na h-itean boga a th' oirre a' toirt cothrom dhith a bhith cho sàmhach nuair a tha i air iteag 's gu bheil i a' tighinn air na beathaichean sin gun iad mothachadh dhith.



'S e creutair sochaireach a th' anns an luch-coille. Tha i ag ithe sìol, gucagan, dearcan, cnothan agus meanbh-fhrìdean beaga. 'S fheàrr leatha gluasad air an oidhche nuair a tha e nas fhasa falach bhon chailleach-oidhche, cait, sionnaich, agus an clamhan ruadh. Càit a bheil luchainn a' fuireach nuair nach fhaic thu iad? 'S dòcha gum bi dhà no trì àil aca gach bliadhna le ceithir no còig luchainn anns nach eil ach 1g a chuideam anns gach àl. Chan eil iad beò ach mu bhliadhna gu leth.

G Tha cuid de dh'eòin a' crathadh an sgiathan nuair a tha iad a' falbh air iteag agus tha feadhainn eile a' falbh air a' ghaoith. Theirigibh a-mach agus coimheadaibh air eòin eadar-dhealaichte. Cunnt dè cho tric 's a tha iad a' crathadh an sgiathan ann am mionaid.

Tha an clamhan ruadh cumanta air tuathanais agus chì thu e a' sealg airson luchainn agus mamalan beaga eile ri oir nan achaidhean. Tha e ag itealaich mun cuairt gus am faic e an rud a tha e a' sealg. An uair sin tha e a' coimhead a' bheathaich gun a cheann a ghluasad agus tha e ag itealaich anns an aon àite gus an tig e sìos a dhèanamh ionnsaigh air. 'S dòcha gun tig e nas fhaig air an talamh mean air mhean agus an uair sin tuitidh e air a' bheathach gu luath le sgiathan letheach dùint'.



clamhan ruadh